

龍城舊聞


魏航兰
馨若氏

龙城旧闻

魏毓兰 馨若氏

李思乐 张玉春 王彩云 校点

黑龙江人民出版社



首都师范大学图书馆



21073077

1073077

责任编辑：吕观仁

封面设计：王祖珍

封面题签：李延沛

龙 城 旧 闻

Longcheng Jiuwen

魏毓兰 馨若氏 编辑

李思乐 张玉春 王彩云 校点

黑 龙 江 人 民 出 版 社 出 版

(哈尔滨市道里森林街42号)

黑龙江省牡丹江印刷总厂印刷 黑龙江省新华书店发行

开本850×1168毫米1/32·印张 $3\frac{12}{18}$ ·插页2·字数86,000

1986年8月第1版 1986年8月第1次印刷

印数 1—815

统一书号： 11093·190 定价：1.20元

弁 言

蓄道德而后能文章，晚近世衰道微，言与德离，著作之才盈天下，其蔽也，伪、文章泛滥祸深于洪水横流，可懼也。昔儿书来《黑龙江报》千号增刊，意在介绍旧闻，述而非作。既题其篇，更诏数语于后，曰：述亦未易言矣，宁实毋华，宁缺毋滥，宁取材前人以求实录，毋夸张己意作伪以欺世。以此言述，其庶乎！
民国八年二月朔，辑五老人书于徐乡之平山吟馆。

1011 63

序

齐齐哈尔城建自清康熙中叶，二百年来以右武称。披甲之士都统而将军者，踵相接人，旗籍家满文志乘阙如，文献无征。庚子拳匪之祸，波及东鄙，中经罗刹兵燹，掌故飘零，考古者难言之。近《呼兰府志》刊行，黑龙江省于是乎有志书，然此外无闻焉。齐齐哈尔前人间有专著，仅《卜魁风土记》、《卜魁纪略》一二种，吉光片羽，语焉而不详。吾人秉觚塞上，无书可读，埋头报务，踪迹复不能及远，怀旧蓄念，采访维艰，或得诸故老传闻；或参以私家著述；或网罗散佚，旁挹群言，久之，笔记盈篋，燦然略备，益以身经目覩之政局变迁，人物臧否，凡地理、历史、土物、风俗以及军警、法学之科，垦、矿、渔、林之业，一切内政外交，与夫金石、诗歌、货殖、方伎之属，兼收并蓄，锲而不舍，积时阅六寒暑，计稿得百万言，分类约廿余种，统名曰《龙塞丛编》。惜仆仆文字役，修纂无暇，故付梓尚有待焉。今值《黑龙江报》出版千号，爰抽摘旧闻数十种，为增刊纪念，名曰《龙城旧闻》，助新闻之余兴也。又限于篇幅，凡所纪录只以齐垣为限，他不备载。虽零星拾缀，不值大雅一嘘，未始非采风者辘轳之助。试登魁岭，凭吊肃慎故墟，缅怀扶余、靺鞨、室韦、勿吉诸国之分合，而求辽、金、元、清历代兴亡之故例。天演而级人群，恍然于古今得失之林，借鉴之资，是则，作者餽遗社会之微意，风雨一编，江山半壁，为览古者一执介绍之役，可乎！馨若识于黑龙江报社，时民国八年己未三月。

题 词

海涛卷地鲸鲵吼，大野极天风云陡。穷荒间阻今豁然，一纸飞腾不胫走。忆昔囊剑游龙沙，学说政论两无有。是时文字禁犹张，金人三絨各自守。岂知正论不得伸，横议反借外人口。言论之权岂寻常，华袞铁钺一反手。操之于人奈我何，非者是之可者否。亦有愤时忧国人，不惜笔舌与击掇。植基不坚作计疏，蹶蹶往往相先后。不然无文行不远，徒供人间覆醬甌。老我乘边余十年，愧领政教作枢纽。私痛舆论无主张，俗于何成民何牖。觥觥魏子人中豪，大笔淋漓气抖擞。董南直声人所钦，远东大势稔之久。愿以微言启边蒙，国权民约为解剖。我闻此语意轩昂，兹事不成责在某。如裘为之集其腋，如书安忍掣其肘。《黑龙江报》挺然生，岁在乙卯月丁丑。骇浪滔天济有船，乱云排空扫有帚。从此边隅侈开通，遑云齐鲁非吾耦。边疆日日警风鹤，天上白云变苍狗。世事翻覆谁能知，旧游不堪重回首。那知劫火灰烬中，片纸岿然竟不朽。日新月异岁不淹，千章风行岂云偶。爆竹声声逐新年，屠苏家家馈岁酒。白山黑水梦想存，遥祝山水与同寿。

涂凤书奉题

贺 新 凉

一片斜阳里，忍回首，干戈满目。滇烟湘垒，隆准无人王气歇。狐鼠喧阗未已，观不尽，凄凉罗绮，铁骑纵横关塞远。莽英

雄，竖子成名矣，角声咽，秋云紫。 万言书策剑三尺，痛苍生，晨钟暮鼓，毫端振起，饮罢中山千日酒。字字龙蛇耀纸，遍传诵，黄沙黑水，复社东林虽有愿，奈钧天，犹作沈酣睡。谨拜祝，公民意。

黑龙江省议会敬题

千 秋 岁

龙江畴昔，蕞尔一荒域。民气弱，民智塞。幸逢斯报出，独树民先则。进化速，灌输端赖言论力。 堪羨董狐笔，胜是千毛瑟。混党见，主公直。晨钟警浊世，美誉环球溢。纪念日，欢呼万岁庆永锡。

桂从周敬题

凡 例

- 一 是编介绍旧闻，述而非作。江省无志乘可考，文献不足，但凭口耳讯闻，则言不雅驯，且多讹舛。前人如有记述，不能不据以取材，亦所以昭实录也。
- 一 记载时期断自齐齐哈尔建城始，迄清季止，近闻不录。
- 一 记载范围以齐垣为限，其有关系全省者，亦连类及之。
- 一 是编缘起，原为《黑龙江报》千号增刊之作，凡关于千号赠言应刊入，以志不忘。惟来件繁多，不及备载，谨将增刊题词登诸卷首，其赠言概揭之报端。
- 一 是编取材，仅由《龙塞丛编》中抽摘旧闻数十种（详叙文）为增刊资料。此外，若地理、物产及一切政治、典制均从阙。挂一漏万，歉仄滋多，拟俟报务稍暇，即续刊《丛编》用弥兹憾。
- 一 江省沿革纷繁，形势与他省不同。自虞廷、肃慎入贡，至清，始隶版图。中经历代各国之分合，必一一考订之，非寥寥短章所能备举。兹为篇幅所限，仅撮大要揭之篇首，余详《丛编》。
- 一 齐垣古蹟本寥落无闻，又无载籍可稽，就耳目所及参以前人所记，略具于此，当世博雅幸垂教焉。
- 一 人物籍贯以齐垣为限，若今昔名宦间尝传其生平，或记其一节，均详载《丛编》，兹从略。至本省乡宦有事迹素著而籍居他城者，间亦采入。惟传乘既阙，后之人数典忘祖，多不

能详其先世，其知者与耳谋所知，亦仅或一纸履历，珍为家藏之秘，此外更无可据。是编所载虽未蕲于详备，然采访殊非易易，后有所得，载入《丛编》以待续刊。

- 齐垣民族綦繁，礼俗亦各为风气。《呼兰府志》所载提纲挈领，有条不紊。故是编因之益，以夙所见闻，或随事加以考证，虽详尽未能，而民俗已可概见。至山居边民，如鄂伦春等族风俗，太古另有专记，以不在齐垣范围，故从略。
- 迷信之谈为文明民族所不道，然风俗习惯不能略而不载，是编中如七寸子等说，为有有无，既未躬亲调查，姑志所闻，付诸妄言妄听之列。
- 文艺限于篇幅，不能以多为贵，凡古今人之著作，有可录者，悉于《丛编》中续刊之。
- 是编仓猝纂订，加以江省印刷工料备极困难，以云完美固未遑也。

目 录

弁言	
序	
题词	(1)
凡例	(1)
卷一	(1)
沿革大要	(1)
建置始末 附齐齐哈尔城考 风吹卜魁之神话	(3)
卜魁音义	(4)
古蹟	(5)
古器 (附)	(15)
(附) 东湖别墅龙沙公园	(18)
卷二	(22)
人物	(22)
附记	(41)
名宦 (附)	(48)
附记	(52)
民族 (附)	(56)
卷三	(62)
礼俗	(62)
附记	(71)
卷四	(83)

艺文	(83)
诗	(86)
赋	(106)
后记	(110)

卷 一

徐乡 魏毓兰馨若氏 编辑

沿 革 大 要

齐齐哈尔城因省会所在，或直曰龙城，谓黑龙江省城也。
旧黑龙江城在今爱辉东经七度一分，北纬四十七度三十分十四秒。全城辖境起东经六度九分，东暨十度四十六分，北纬四十六度四十二分，北暨四十八度三十六分。南北纵二百二十一里，东西广五百九十五里，东南至西北袤二百二十七里，西南至东北袤三百有三里。在虞夏商周时为肃慎氏故墟。秦汉涉貊地，后汉、三国·魏夫余北境，晋寇漫汗国，后魏、北齐为豆莫婁地。西属室韦，西南为涉罗国境。正始中，百济并涉罗，属百济，寻属勿吉。隋靺鞨黑水部。唐黑水靺鞨地。宋契丹。辽上京路。伯斯鼻骨德部南长春路北境。西泰州东北境。金浦与路肇州北境，西泰州。元初，乃颜大王分地后，属开元路。至元中，曾属浦峪路，屯田万户府。明置朵颜卫，又于境内错置可吉河、纳穆河、阮里河、牙鲁阿伦葛，称哥古鲁兀刺、忽塔儿、塞克拜、苦兰河诸卫，及兀讨温所。清康熙间筑城垣，置将军，屯劲旅，遂以齐齐哈尔为省会，与吉林、奉天鼎足而三，屹然重镇，称东北保障焉。

今人考齐齐哈尔沿革，上溯黄唐。有谓齐齐哈尔，黄帝时为昌意故封者。案：《史记》嫫祖为黄帝正妃，生二子，其二曰昌意，降居若水。《索隐》：若水在蜀，即所封国也。其非黑龙

江境内明甚。考《北史》，魏之先出自黄帝轩辕氏。黄帝子曰昌意，昌意之少子受封北国，有大鲜卑山，因以为号，其后世为君长。近世地学家谓鲜卑山即兴安岭，据此则齐齐哈尔当为昌意少子封地，非昌意也。

又有谓齐齐哈尔城，唐尧时为幽都域者。

案：《书·尧典》。宅朔方曰幽都。注以幽都为官名。《淮南子》：尧北抚幽都，高诱注：阴气所聚，故曰幽都。虽与《尧典》蔡注万象幽晦之义略同，实以幽都为地名矣。《庄子》：流共工于幽都。《舜典》作幽州。注：北裔之地。《山海经》：北海之内有山，名曰幽都之山，黑水出焉。又西望幽都之山，浴水出焉。郭景纯注：浴即黑水。西清氏《黑龙江外纪》谓：此黑水即今黑龙江。《北史》：昌意少子受封北国，其后世为君长，统幽都之北，广漠之野。幽都既为黑龙江地，齐齐哈尔或幽都城也。

又近人《舆图说》谓黑龙江城(即爱珲)汉以前为肃慎氏地，而齐齐哈尔不与焉。考《晋书》，肃慎氏东濒大海，西接寇漫汗国，似齐齐哈尔城为寇漫汗地尚在肃慎氏西南。然《新唐书》：黑水靺鞨居肃慎地。又《唐书·黑水靺鞨传》：其地南距渤海，东北皆际，西抵室韦，南北袤二千里，东西千里。古肃慎氏疆域广延，当不止如《晋书》所云。齐齐哈尔城为故黑水府，西境属室韦，则其地为肃慎可知。又清《一统志》：齐齐哈尔古肃慎氏地。案：肃慎即息慎。《史记·舜本纪》：九州莫敢辟违，唯禹之功为大，方五千里，至于荒服，北山戎发息慎。郑玄曰：息慎或谓之肃慎东北夷。齐齐哈尔城距舜都蒲坂直径二千五百里，实在《禹贡》荒服之中。《三国志·魏书·东夷传》：自虞既周，西戎有白环之献，东夷有肃慎之贡。是知齐齐哈尔在虞夏、商、周时固皆肃慎氏地，余下备举。

建置始末

齐齐哈尔，清初达呼尔、锡伯、卦勒察诸部弋猎游牧之地。康熙二十三年，因征罗刹于嫩江西岸，去今城十五里之齐齐哈尔屯设火器营，参领驻守。三十年，黑龙江将军萨布素会同宁古塔将军佟宝议建木城于齐齐哈尔，及伯都讷以树声援，寻以齐齐哈尔与墨尔根中隔嫩江不便，改今卜魁地，仍以齐齐哈尔名城，官文书皆称之。缘卜基之始，名已入奏，难追改也。惟土人习称卜魁，至今犹尔。是年，赏打牲总管冯布岱副都统衔暂守，旋，额设城守尉。三十七年，裁城守尉，移墨尔根副都统来镇。三十八年，黑龙江将军亦自墨尔根来，移驻齐齐哈尔。光绪三十一年，裁副都统。三十三年，裁将军，设黑龙江巡抚，改行省。入民国后，设都督，寻废都督，设民政长，军政则置护军使领之。民国三年五月，改民政长为巡按使。六月，改护军使为镇安右将军。旋改将军为督军，巡按使为省长，如今制。

案：齐齐哈尔内外两城同时并筑，《黑龙江外纪》：齐齐哈尔内城排木为重垣，中实以土，具雉堞之观，方一千三十步，崇丈八尺；外郭因沙阜高，下筑以土堡，方十里，东南北各一门，西二之，有大小西门之称。康熙三十年筑。西清氏此纪于城之面积、高下当系约略之词。考内木城为方形，周五百一十九丈六尺，方二里八分有奇，高丈六尺。光绪八年，改建砖城，一仍旧贯。四门：南曰迎恩，北怀远，东承辉，西平定。外土城南北长圆形，周一千七百七丈一尺，方九里五分有奇。卜魁首站设西南隅，特闢一门，曰小西门。其四门亦于光绪八年以砖瓦改建，加层楼雘。名其门曰南薰，东启，北朝，西阙如。

齐齐哈尔城，每春日大风卷水，林木为摧，飞尘蔽日。白昼、黄昏沙陨如雨，居人相传有风刮卜魁之谣。考清初副都统霸

奇兰屯兵江西之齐齐哈尔屯，规取江东。乘大风之夜，拔军渡江，驻卜魁站。掘沙土筑营垒，一夕而成。天明视之，荒凉旧站，忽呈壁垒之观，土人诧焉。嗣萨将军因土垒建木城，恭将军改木城为砖城，寂寞之乡，一变而为省会繁盛之域。居民每于大风中谈往事，以为今日之卜魁城昔曾于一夜中被风吹来者，亦神话类也。案：砖城甕圈，拆于都督宋小濂，外土城则将军程德荃废之，所以利交通也。今省教育会为南门土城之旧址，工业学校则夷北门土城为之。

卜 魁 音 义

齐齐哈尔城，土人称卜魁，习俗相沿，莫能详厥由来。《黑龙江外纪》：古齐齐哈尔虽以名城，而卜奎实通称。卜奎，方言也。清语奎作克伊切，有音无字，因以奎代，亦作魁，或作博克西。误有解卜奎为江名、达呼尔名者，皆附会。俗或以为不灰，愈诞妄。《卜魁纪略》则以卜魁为村名，《龙沙纪略》以卜魁为站名，又曰：或谓大力人为布枯，曾有布枯居此，故名，今曰卜魁误也。案：卜魁二字，当由于隋之佰咄，唐之汨咄，与辽之鼻骨、鳖古、跋苦，金之蒲与，元之浦峪、孛苦，明之拜苦各音辗转递变而来。《隋书》：靺鞨七种有佰咄部，即《新唐书》：靺鞨之汨咄部。《辽史》鼻骨德部，《金史》作鳖古德部。《世纪》云：鳖古德部节度使言于辽曰：欲平虜路，非生女真节度使不可。《太祖纪》：二年（甲午）十月，克宁江州后，鳖古酋长胡苏鲁以城降。天辅三年正月丙辰，诏鳖古孛董。《酬斡忠义传》：天辅五年九月，酬斡仆忽得往鳖古河藉军马。又云：酬斡率涛温路兵抚三坦、石里、狠跋苦三水，鳖古城邑皆降之，败室韦五百于阿良葛城。考辽之伯斯鼻骨德部，疑即隋之靺鞨佰咄部，唐之靺

鞞汨咄部，遣人在粟末之北者，金人谓之鞞古德，省称鞞古，盖以女真音译变耳。阿良葛，即《明史》所谓兀良哈，其地在嫩江右岸，科尔沁郭尔罗斯前旗及札赉特旗牧地。若鞞古德节度使所治，当在今吉林伯都讷左右。其戍户所居则北抵齐齐哈尔，所谓戍境内居境外也。《元史·兵志》：浦峪路屯田万户府。世祖至元二十九年，以蛮军三百户、女真一百户于咸平府屯种。三十年，命本府万户领其事，仍于茶刺罕、刺怜等处立屯。三十一年，罢万户府。

案：浦峪路即金蒲与路之转音，茶刺罕疑即阿勒楚喀，刺怜即拉林。音并近也。又《元史·地理志》：合兰府、水达达等路土地旷阔，人民散居。元初设军民万户府五，总领北边。一曰桃温，距上都四千里；一曰胡里改，距上都四千二百里，火都三千八百里；一曰干朵怜；一曰脱干怜；一曰孛苦江。孛苦江军民万户府，近浦峪，当隶浦峪路，即明嘉靖时置拜苦卫地，清初设布魁站，皆仍元军民府旧地。孛苦当为鼻骨、鞞古、跋苦诸音之转，拜古、卜魁，又为孛苦一音之转。证以伯咄、汨咄、鼻骨、鞞古、跋苦、蒲与、蒲峪、孛苦、拜苦各地皆在齐齐哈尔境内，此说或非支离，其所以由来渐矣。

古 蹟

将军廨 在砖城中偏东，即今省长公署旧址。正门三楹，辕门东西向，缭以鹿角，中建双杆朔望及拜疏揭黄旗。正门内，户、兵、刑、工四司左右列仪。门内东西复有四司，夏日治事所。中为大堂，次后堂，皆五楹。后左曰暖堂，冬日坐之。右曰印房，俗称堂司。东北隅楼房十楹，军器、贡物等库也。大堂东楼三楹，银库也。后正房三楹，主事治事所也。房后有屋，守库者居之。每日官二员、兵十名，协领等转

班稽察之。自康熙三十二年创建迄今，官制屡改而署址未移。

将军府 将军私宅称府，在廨舍西北。清康熙三十四年建，旧有钟鼓楼，以传更点，将军那启泰执形家言毁之。悬钟南门侧，每夜钟起，商贩击征柝以应。庚子之役，将军寿山殉府内，俄军入城，戈尔萨尔遂据而居之。丁未春，俄兵退，善后局移入。及改行省，设度支使司，年余即归并，以其地为巡防营务处、陆军筹练处，又改为东三省驻江兵备分处，旋为审计分处。其东设文报总局，西曾设禁烟公所，又设清理财政局，嗣为国税厅筹备处，今则改为财政厅，其地常为兵赋重要之地云。

大人府 副都统私宅皆称大人府。旧在木城外，后移城内，在将军廨北。某将军谓大人府不宜在将军衙署上，又改城外。嘉庆十一年火，依旧制仍建廨舍北，与将军署隔一街，即今督军署也。

火器营 旧在内城东北隅，即大人府之左近。清康熙三十二年建神威无敌大将军炮库。正三楹，左为神威将军炮库，又南为铅丸蒜麻库；右为子母炮库，又南为军械库。各三楹，前建楼门一楹，门外左右各建官兵值班堆拨一所，四周缭以土墙。其右廂则木栅围之，又西一面外筑土墙，长十五丈五尺，今改参谋处。

水师营 水师营署旧在土城内西南隅，后改提学司署，又改警察厅，即今龙江道尹公署。西路小学在嫩江滨之船套子，即昔水师营库，水师兵皆调自福建，今道署附近之土著，其先世皆福建人。若莆田林姓、同安陈姓，在福建本巨族，徙塞上仍大姓也。雅克萨之役，建义侯林兴殊平罗刹，为闽人立功塞外之祖。故当日水师营之权势，虽不得比于满洲，以视屯